

Duruma - Mutivyi Maandiko - Salvation Scriptures

AEfeso 2:2 **Ukati uo mwimwi mwákala munahenda mai dza go gahendwago ni ataifa, mwákala mogopha ye mutawali mui atawalaye mapepo ga dzulu, na yiye vivi ndiye ahendaye kazi myoyoni mwa at'u ots'omogopha Mulungu.**

Matayo 6:10 **Ufalumeo naudze; uhenzaro narihendeke phapha duniani dza vyo vihendekavyo ko mulunguni.**

Luka 22:42 "Baba, richikala ni henzoro, niusira yiyi shenene yonipangira. Ela ta vivyo henda uhenzavyo uwe, ts'i mimi nihenzavyo."

Johana 16:7-9 Bee ninamwambira jeri mino, kuuka kwangu ni maneno madzo kwenu, maana, nits'iphouka, yiye Mwavizi k'andamukudzirira. Ela nichenda, nindakwendamuhuma amudzirire. 8 Ye Mwavizi achidza, undaafunulira Iwazu-Iwazu at'u a dunia kukala, ana dambi, k'aana haki na ulamuli wao ni wa ulongo. 9 Yiye undaafunulira kukala, ana dambi, kwakukala, k'aanikuluphira.

2 T'imoti 2:10 Ndo mimi ninavumirira chila chit'u kwa dzulu ya at'u otsagulwa ni Mulungu, kwa ta nao apate wokofu kwa kumukuluphira K'irisito Jeso, na adze apate ubomu wa kare na kare.

ARumi 15:20,21 Na chisha, rangu nirazaro kwenda mimi P'aulo, bee ni kusumurira Nguma Mbidzo kut'u kuriko at'u k'aadzangwe kuyisumurirwa yo Nguma Mbidzo dzulu ya Jeso K'irisito, kwa ta nits'idze nikakala dza kwamba ninajenga nyumba yoanzwa ni mut'u munjine. 21 Gago ganagwa sawa na Maandiko ga Mulungu gaambago, "At'u ario k'aasumurirwe ngumaze, andaona, na o at'u ario k'aadzangwe kusikira ngumaze, ndio ondomanya."

Mahendo 2:36,37 Ndo mwimwi na Aizraeli anjine osi, nimumanye na mukubali kukala, yiye Jeso muriyemuulaga kwa kumukot'a misumari musalabani, vivi Mulungu wámwika akale Bwana, na ye K'irisito!" 37 O at'u ariphosikira gago, ádzuta ta achimuza P'etero na o ahumwa anzie vivi, "H'a bee sambi huhendedze enehu?"

ABurania 4:2 Sisi naswi hwásikira Nguma Mbidzo dzulu ya ko kut'u kwa kwendasagala na kuhurira, dza ao at'u a p'indi vyosikira. Ela ao áshindwa ni kwendapheny, kwakukala, k'aayikuluphirire.

Jeremia 24:7 - Matayo 22:37 Jeso achiudzidza achamba, "Ni rirat'u rambaro, 'Muhenze Bwana Mulunguo na moyoo wosi, rohoyo yosi na kwa akilizo zosi.'

Mahendo 16:14 Mumwenga wa o achet'u okala anahusirkisa, wákala ni Ludiya. Ludiya wákala ni muchet'u amwabuduye Mulungu. Kwao kwákala

ni mudzi wa Tiyatira, na wákala ni muchuzi wa nguwo za kitani, za rangi ya zambarawe, zirizo zákala zi gali muno. Ndo phapho Bwana achivugula moyowe ta achigakubali maneno gogombwa ni P'aulo.

Matayo 13:14-16 Na gaga ganachimiza maneno ga mugomvi wa Mulungu Isaya. Isaya wáamba, 'Kusikira mundasikira, ela k'amundaelewa, na kulola mundalola, ela k'amundamanya nini. 15 Maana, myoyo yao yikala mifu, k'aahega masikiro gao t'ot'ot'o, na k'aaenzi kugalolat'o go agaonago. Kalapho ts'i vivyo, ao angari kona na matso gao, angari kusikira na masikiro gao, kumanya mwao myoyoni, na phapho angari kugaluka kwangu, nami ningari kwaphoza.' 16 Ela mwájaliwa mwimwi, maana, munalola t'ot'ot'o na matso genu kwa mumanye, na munagahegera masikiro kwa mugasikire.

Isaya 6:9,10 - Mahendo 28:27 Maana, myoyo yao yikala mifu, k'aahega masikiro gao t'ot'ot'o, na k'aaenzi kugalolat'o go agaonago. Kalapho ts'i vivyo, ao angari kona na matso gao, angari kusikira na masikiro gao, kumanya mwao myoyoni, na phapho angari kugaluka kwangu, nami ningari kwaphoza." "

Mariko 4:11,12 Ndo Jeso naye achiaamba vivi, "Mwimwi mwájaliwa kumanya njama ya Ufalume wa Mulungu. Ela o ario konze, chila chit'u andaambirwa chit'adi, kwa ta 12 'Kona akale achona, ela ats'imanye nini. Kusikira akale achisikira, ela ats'elewe. Ela kala ts'i vivyo, angari kugaluka kwa Mulungu, naye angari kwasamehe.' "

Johana 12:39,40 Ao at'u k'aakuluphirire, maana, Isaya wágomba kahiri achamba, 40 "Mulungu udziahosa matso, na myoyo yao udziyihenda yikale mifu. Kalapho ts'i vivyo, angari kona na matso gao, kumanya mwao myoyoni, na phapho angari kugaluka kwangu, nami ningari kwaphoza."

ARumi 11:7,8 Ndo kwágwani sambi? Chit'u ni kwamba, Ayahudi anji átsakula kukala enye haki, na achishindwa. Ela arat'u achache otsagulwa, áidima kuhokerwa dza enye haki, na o anjine osi achihendwa akale na myoyo mifu. 8 Vivi vinagwa sawa na Maandiko ga Mulungu gaambago, "Mulungu wáyihenda myoyo yao yits'imanye ut'u, wáagwira matso kwa ats'one, na wáafundira masikiro kwa ats'isikire, na ao a vivyo ta vivi."

2 ATesalonike 2:10,11 Yiye undahumira chila njira ya ulongo aalembere o ario andahangamizwa kwakukala, anarema kuuhenza ujeri urio ungari kwativya. 11 Gago ndigo gatumago ta Mulungu unaabit'ira mukotse wa kuyaza, na phapho akuluphire gago maneno gosi ga ulongo.

Matayo 13:18-23 Kwa vivyo, mwimwi sirikisani nimung'azire t'adi ya mumwagiri. 19 At'u anjine anga dza murat'u mut'u njirani mogwa mbeyu zinjine. At'u dza ao anasikira neno dzulu ya Ufalume wa Mulungu, ela k'aarelewa, na ndo Shetani nikudza, akadzarilavya ro neno roaphenya

mwao myoyoni. 20 Anjine anga dza murat'u mut'u mokala muna mawe. At'u dza ao achirisikira ro neno ra Mulungu, anariphokera kare na raha. 21 Ela kwakukala, ro neno k'arimit'a mizi mo mwao myoyoni, akuluphira ts'iku ch'ach'e tu, na ahenderwapho mai na mauku kwa anarikuluphira ro neno, nikuuya nyuma phapho kare. 22 At'u anjine nao, anga dza murat'u mut'u mokala ni kati-kati ya mizi ya mihi ya miya. At'u dza ao anasikira neno, na chidzako nikukala chimoyomoyo kwa mazagazi ga phapha duniani, akaphenywa ni chipherephere cha kupata utajiri, na phapho ro neno nikugwirwa, na rikats'avyla. 23 Ela at'u anjine, anga dza murat'u mut'u mokala muna mutsanga udzo. Ao achisikira riro neno anarelewa, na kuruwa jeri-jeri. Ndo ao chidzako nikukala dza yiyat'u mimera yiriyo minjine yávyala mavuno machache, minjine yichivyala mavuno manji, na manjine yichivyala mavuno manji muno."

2 AKorinto 3:15,16 Ndo ta vivi rero ao achisomerwa vitabu vya Musa, k'aamanya, kwakukala, akili zao zicheri kufinik'irwa. 16 Ela mut'u achitya na kumugalukira Bwana, unafunulwa akili.

Hosea 11:3-7 - Matayo 11:28-30 Mumwenga wao wákala unaihiwa Agabo, na yiye wálongozwa ni Roho wa Mulungu achisema chimbere kukala, kundakala nzala bomu dunia yosi. (Nzala yiyo yálairira ukati wa utawali wa Kilaudiyo). 29 Ndo anafunzi a Bwana okala a mudzi wa Anitiyokiya achamula, chila mumwenga alavye chochosi kutuwirizana na patore, chiphirikwe chika-aavize akuluphiri okala anasagala Judea. 30 Ndo achihenda vivyo, na achiahuma Barinaba na Saulo, aphirike mutsango wao kwa vilongozi a kanisa ra Jerusalemu.

Mahendo 26:18 ukaang'aze matso gao, wahende alae dzizani aphenye mwangani, na walavye utawali wa p'ep'o amugalukire Mulungu, kwa ta apate kuusirwa madambi gao, na apate kwikwa duu ra at'u angu, kuchirira kunikuluphira mimi.' "

2 T'imoti 2:24-26 Uwe niumanye kukala, muhendikazi wa Bwana k'ahenzwa akale mut'u wa kukosana na at'u. Its'iphokala, unahenzwa akale murumwengu kwa chila mut'u, akale mut'u aidimaye kufunza t'ot'ot'o, na wa kuvumirira. 25 Muhendikazi wa Bwana unahenzwa aafunze na aakanye at'u apingao mafunzoge kwa njira ya up'ore, kwakukala, Mulungu unaidima kwagaluzwa myoyo yao akatya, na phapho amanye ujeri. 26 At'u ao atyapho, ni kuuyirwa ni akili zao t'ot'ot'o, na phapho akachimbira muhambo wa Shetani yekala udziahwala mateka kuhenda henzore.

Ufunulo 3:17-19 Mwimwi muchigomba munaamba, "Sisiwi hu matajiri, huna chila chit'u, kwa vivyo, k'ahuna hutsakulacho." Ela k'amumanya vyo murivyo mu agayi, ta munawirya mugwizirwe mbazi! Mwimwi mu achiya, k'amona na k'amuna nguwo. 18 Bee ninamwambira kukala, nzon'i kwangu

mugule dahabu yenyé, mukale matajiri. Na nzoni mugule mavaló meruphe muvale, muzize waibu wenu. Na nzoni mugule dawa za matso mutiye matso genu mupate kona. 19 Mimi nigombera na kwaambira makosa gao at'u niahenzao. Kwa vivyo, kalani na chadi cha kunituwa, na mutye.

2 AKorinto 7:10 Dzulu ya vivyo, siswi hwákaza kutiywa moyo ni go maneno madzo gokudzaambirwa ni Tito dzulu yenu. Yiye wáhwambira kukala, munatamani muno munone, munashononeka kwa gohendeka, na munaniunga mukono. Gago gánihenda nikaze kuhamirwa.

1 Afalume 18:37 - Mulungu turned heart back to Mulungu

2 AKorinto 4:4 Ao k'aakuluphira Nguma Mbidzo kwakukala, Shetani mutawali mui atawalaye yiyi dunia, udziabananga maazo gao ta anga dza at'u ots'oona. Ao k'aaidima kuwona o mwanga urio unaamwirikira. Mwanga uo unagot'ezwa ni Nguma Mbidzo dzulu ya ubomu wa Jeso K'irisito, ariye unga Mulungu kamare.

Luka 8:11-15 Jeso wáamba "Yiyi ndiyo maana, ya t'adi yiyi: mbeyu ni neno ra Mulungu. 12 Murat'u njirani mogwa mbeyu fulani, ni mufano wa arat'u at'u arisikirao riro neno, chidzako Shetani akadza, na akarilavya mwao myoyoni kwa ta ats'idze akakuluphira, na phapho akaokoka. 13 Mura mut'u mokala muna mawe mogwa zinjine, munaonyesa arat'u at'u ario achisikira neno ra Mulungu, anariphokera na raha. Ela kwahivira anga dza mo mut'u mwenye mawe, neno k'ariaphenya mwao myoyoni; anakuluphira kwa ts'iku ch'ach'e tu, na achijewa nikuuya nyuma. 14 Himura mwenye mizi ya mihi ya miya, ni mufano wa arat'u at'u arisikirao riro neno ela achiuka tu, phapho kare nikukala chimoyomoyo, akaphenywa ni chipherephere cha miyo na mazagazi ga raha, na ndo ta k'aakomala chiroho. 15 Na murat'u mwenye mutsanga udzo, ni mufano wa arat'u at'u arisikirao riri neno, akariika moyoni, na kuriwuwa jeri-jeri, na ao nikuvumirira ta akakomala chiroho."

Mahendo 15:11 Bee ninamwambira mino kukala, vivyo ts'ivyo. Siswi hunakuluphira kukala, Mulungu unahutivya kwa mbazi za Bwana Jeso, na ao nao a vivyo."

ARumi 8:13 Maana, muchisagala chimwiri, hakika mundafa chiroho. Ela Roho wa Mulungu achimwaviza kugaricha kamare go mahendo genu ga chimwiri, mundakala na uzima.